

دائرة مخصوصه

در سعادتده باب عالی جو ارنده

محل اداره :

مرآت القبر

اخطار :

مسلكمزه موافق آثار جديده مع المنو به قبول او انور

درج ابدیه بن آثار اعاده او انور

دیر، فلسفه، علوم، حقوق، ادبیات و سیاسیات و بالخاصه کرم سیاسی و کرم اجتماعی و مدنی احوال و مشی و اسلامیه و در بحث ایمر و هفته ده بر نشر انور.

آبونه بدلی

سنه لکی التي آیلنی

ممالک عثمانیه ایچون	۸۰	۴۰	غروش
روسیه	»	۶۰	روبله
سائر ممالک اجنبیه	»	۱۷	فرانق

صاحب و مؤسسلری :

ابوالعلا زین العابدین - ح . اشرف ادیب

تاریخ تأسیسی

۱۰ تموز ۳۲۴

در سعادتده نسخه سی ۵۰ پاره در

قیرله دن مقوا بورو ایله کوندریلیرسه سنوی

۲۰ غروش فضله آلنیر

عدد : ۹۲

۱ جاذی الاخر ۳۲۸ پنجشنبه ۲۷ مایس ۳۲۶

در دنجی جلد

اسلامیت و سوسیالیزم

تاریخك قید ایدہ بیلدیکی هر وقته اثبات ایدیور که بشریت: مشیمه احتراصاتك برر جنبین ساقطی اولان سفیللردن هنوز یقاسنی قور تاره- مامشدر. محیط و طیمتدن ذاتاً یزار اوله رق یشایان اسانلر شواوچ کونلک حیاتك هر ساعتی بر منفعت، سفیل بر منفعت اوغرندہ هبایه آلیشمشدر و بوسقیم اعتیاداتك معنوی وارثلرینی انسانلغی راحتسر ایتك ایچون یکرمنجی عصرده هدیہ براقشدر. ایشته بوحقیقتدن اك زیاده مضطرب اولان آوروپا بوکونکی تجهیزات عسکریه سنه مدیون اولدینی حضور و راحتنی یارین. بلکهده پک یاقینده اخلاصه چالیشان بر مسئله اجتماعیه قارشوسنده ینه قوتله دفعه تشبیدن باشقه چاره بوله میور؛ فقط بیلور که برکون اوقوتده بوانتظام شکن حالت روحیه دن ضعیف دوشه جکدر. و ایشته آنجق اوزمان حریتی چرکی حیاتی قدر بی قید فرض ایدن فلاسفه (۱) بشریتك ناصل تفلسف دکل، ناصل تفسخ ایتدیکنی کوره جکدر.

آوروپاده مجادله حیاتك آلدینی بوشکل مذهب آلتوندن باشقه ملجاء طانمق ایستیمان محترص امللرک بازیچه قهری اولغه یناشه مشدر. زواللی شرقلرک کندیلرینی طوبلامق ایستدیکی بر صرده غربك بوفنا، محو ایدیجی اخلاقلردن صاقمسی محافظه حیاتی نامنه الزمدر. چونکه بزدها نه فکر آ و نه ده ماده اوقدر ترقی ایتمشدر. معدومزک هنوز غرب یمکلرندن بعضارینی هضم ایدمه جک قدر ضعیفی واردر. و ایشته سوسیالیستلک اوغرب یمکلرینه بکزر که اونک ایچنده شریعتك ترویج ایدمه جکی پک چوق ماده لر واردر. بزم ایچون دائماً مضر اولان شیدلرک نظر شرعه دائماً حرام اولسنه بویوزدن نه قدر تشکر ایتسه ک آزدر. و قطعاً امید ایدہ بیلورز که شمیدلک هیچ بروجهله عرض احتیاج ایتدیکمز بوسوسیالیستلک مملکتتمزده هر حالده محدود بر محیطه عائد اولمقدن خارجه چیقه میه جقدر. چونکه بزده نه اوقدر عمله واردر، و نه ده حیات معیشتمز بوزاده احتراصاتی بسله مکمه مساعدر.

دین جلیل اسلامیت لایموت قانونلریله کائناتی اداره یه اقتدار کوسترمش معنویاته مالک اولماش اولسه یدی استقبالی ایچون پک مخوف اولان برهرج و مرجک آنارینه انتظار ایدہ بیلوردک. فقط شرائط حیاتیه یی دکشیدیرمک و عدالت مطلقه نام موهومیه حریت کامله آرامق بر هیئت اجتماعیه یی محو ایدمه بیله جک قانونسز لقلره سببیت ویره بیله جکندن آوروپانک کوچ جال ضبط ایدمه بیلدیکی بوشمار یقلرک بزده نشر احتراص ایدہ میه جکلرینه قطعاً قائل اولمالی یز. ... عملیه سعادت بخش ایتك ایستیان بوکروهه صورملی یز که ؛ عجبایچون سوسیالیستلکک رواجنه خادم غزته لرند چالیشان عمللره فضلہ اجرت و یرمیورلر؟!... شبهه سز اولرله ده بازارلق ایتمشدر، و کشندی منفعلری ایچون اولرک مضرتلرینه راضی قالمشدر... دیمک که عمللرک حمایه سی مقصد اصلی دکلدر. - هم اسلامیتك احتوا ایلدیکی قانونلره، قاعده لره درلو درلو اسملر طاقه رق بر مسلمی نهایت بر

چوق شعبه لره مالک بردینه منتسب کورمک لزومنی حس ایدنه آجیرز. بویله دیندن آیری غیری بیلنمیان بر مسلکک برکون یکی قاعده لری اسکی تخمیلرینی اطرافه صاچارسه، مثلاً بیکلرجه مسلمانلر متینغ یاهر ق (بزمیرانی قبول ایتیورز... چونکه میراث ظامدر. زنکیملک فقرایی آزمکدر. هرکس بر اولسون) دیه باغیریشیرلرسه عجبای اعتقادات دینیه لری خللدار اولمش اولیه جقمیدر؟! ایشته سوسیالیستلکدن بویله یالکز دیندشدر متضرر اولیه جقلردر. بلکه یارین؛ ترکیه ده «شریعت ایسترز» فریادلرینه مقابل آوروپاده «مساوات کامله ایسترز» فغانلرینی کوکاره چیقاره جق سوسیالیستلردن غربده پک بویوک بر ضرر کوره جکدر. نقد تأسف ایدلسه آذر که دون شخصی اوغرینه تاریخی آلت اوست ایدنلرک انسانل معنویه سی بوکونده موجوددر. و بونلر دائماً آلدانان و ایدآده آلدانمغه محکوم قالان صافدل انسانلرک اوکنه دائماً حمیت، ملیت یاقته سیله چیقدقچه اوموجودیتدن مضطرب اوله جقلر یالکز یغماجیلر دکل، اوزواللی عمله در.

بونی پایان حرصلری نتیجه سز براقه جق، هیچ اولمازسه راز تعدیل ایدمه جک معنوی اساسلر، مانع لر بولندینی زماندنبری ده بووجدانسوز احوالک اوکنی آلمق قابل اوله میور... چونکه اووقتده دین برده لری آرقه سنده کیزلنمک مقصده کفایت ایدیور... کورن کوزلره کافی بر عبرت مؤثره تشکیل ایدہ بیلیمک احتیاجنده اولان بومسلک سقیم اجتماعی (بری یر بری باقار، قیامت اوندن قویار) سرلوحه اختلاجلویانه سنی طاشیدقچه علم اجتماعک منفوری اولدینی کبی اسلامیتك ده مظهر ترویجی اوله میه جقدر. فتنه نکل قتالدن ده اشد اولدینی بیلدیرن دین مبجلمز عادات مضره غربه انشاء کوزل بر استیجکام اوله جقدر. چونکه اسلامیت حریت بشریه یی و عدالت ممکنه یی، مساوات حقوقیه یی قطعاً آمر اولمغه برابر ظلمی سومز، اوندن نفرت ایدز و پایدار اولدقجه ده نه فقرایی، نه ده بشریتك اوزواللی یتیملرینی، عمللرینی آزمک ایستز. شاعر (جودتی) نک شو بیتلری کافی بر معنایی خائزدر:

کچن عصرلره رغماً، بوکونده بی پروا،

علو شان ایله مصحف بدست علویت!

بتون کوکلره بر خطبه تسلی زا

اوقورسون... ایشته سسکده اوچار کبی عظمت

ایشته سوسیالیستلر!... اک امین شهراه...

زیرا آوروپانک مییارلره بالغ اولان عمللرینه شوراده کی بش اون عمله مزی قیشقرتمق انسانلغه آجیاقدن ده باشقه معنای احتوا ایدیور!...

علاءالدین جمیل

